

貴見可資者而不知愛雖有過人之智迷惑之大也能從其師能取其資則爲進修至要之術也

知其雄章第二十八

知其雄守其雌爲天下谿爲天下谿常德不離復歸於嬰兒知其白守其黑爲天下式爲天下式常德不忒復歸於無極知其榮守其辱爲天下谷爲天下谷常德乃足復歸於樸樸散則爲器聖人用之則爲官長故大制不割

知其雄守其雌者如勇力蓋世守之以柔弱也谿低下水歸之人謙下眾歸之謙虛柔弱志意恆安乃見吾之常德不離於身心如嬰兒純一和氣常全也知其白守其黑者如聰明

道藏輯要

道德上經釋辭

美

心集九
六四八

聖智守之以愚闇也式軌則也若愚若昧不銜不矜而爲修身之軌則乃見吾之常德而不差忒復無心於無欲澹和內足也知其榮守其辱者如富貴尊榮守之以卑辱也忘其富貴降志下心則其中寬大如谷之虛無物不容乃見吾之常德充足無虧忠信質實抱樸還純以復其初也木未斲曰樸斲削然後成器樸喻道器喻法大道廢有仁義刑政之意也聖人用之則爲官長者蓋言用仁義刑政以齊民也以道治天下謂之大制也不割者言道與法不相離理事無礙之意也其意蓋謂器非木不成木非器無用聖人雖然用仁義刑政皆出於無心順事理之當然無爲而無不爲道體法用道

無法有言聖人以無心而治眾情之意也

將欲取天下章第二十九

將欲取天下者吾見其不得已也天下神器不可爲也爲者敗之執者失之故物或行或隨或响或吹或強或羸或載或隳是以聖人去甚去奢去泰

聖人之爲天下非取之也天下歸之不得已而後起應天順人撥亂反正以安生民也天下神器不可爲者蓋以天命有在然非智力所能爲也天下好安靜而惡煩亂歸仁義而叛殘暴自然之理也若天命未革神器未歸惟以智力而強爲其禍不旋踵而至故曰爲者敗之執者失之也故物之或行

道藏輯要

道德上經釋辭

无

心集九
XX6

於前或隨於後或响而温或吹而寒或強而大或羸而弱或載而安或隳而危言天下之事雖有前後温寒強弱安危之不一而其自然之機當然之理其勢有所不可掩者然非智力之所能爲但循理之自然無爲無執順而應之以安其分可也竊嘗論之聖人之爲天下有可以取可以毋取可以取者謂得天下以治其民湯武是也可以毋取者謂佐其君以治其民契文王是也是以聖人未嘗不爲天下也惟去其過甚去其奢侈去其驕泰利天下之利而不私其利除天下之害而不要其功無事無爲萬民樂業四海慕德天下安甯然後可以安大寶守神器雖有爲猶無爲也若行一不義殺一